

COMUNICATO n. 3186 del 13/11/2023

Traduzione in cimbrio

"Zimbarboch", 'z hefta å ka Tria da earst boch vodar zimbar kultùr

A realtét vodar ünsarn Provìntz boda iz a schatz vor alle: da zimbar zungmindarhait bill hãm soìn ruòl un billen machan varlérn un asó khinta augelekk a inìtziatìf, offe alln, zo macha khennen vo nãmpum soi kultùr un da starch pintom zbisnen mentsch un natùr bodase auznimp vo alln in åndarn.

Von 20 sin atz 24 von bintmånat, defatte, bartze haltn di Zimbarboch, da earst boch lai vor da zimbar zungmindarhait boda khint gemacht in di haupstatt, dar zentrum von sotziål un kulturål lem vodar trentinar kamòuschaft.

Åhevante von tèma zo leba pittnåndar mentsch un vichar, boda bartn nemmen toal bichtege laüt vodar akadèmische un etnografische bèlt, sin atz bèrkhstattn vor groaze un khlummane übar di fabln vodar zimbar traditziong, di Zimabarboch bart sopin an okasiong zo khenna a zung un a kultùr boda magat gian palle zo vorliarase, a kultùr boda iz asó nãmp üsåndarn ma boda nonent iz gekhennt genumma. Dar earst trèff boda bart khemmen khött baz ma bart tüan, bartze haltn an menta atz 20 von bintmånat, di sèkse in tages in puachgeschèft Ancora ("Artigianelli") in bege Santa Croce, 35 ka Tria.

Di boch iz augelekk von Toalkamòu vodar Zimbar Hoachebene un von Kulturinstitut pittnåndar pinn Kamòu vo Lusérn un pinn Dianst vor di Zungmindarhaitn vodar Provìntz.

In trèff von menta bartnda nemmen toal dar vorsitzar von Taolkamòu vodar Zimbar Hoachebene Isacco Corradi, dar dirèktór von Kulturinstitut Lusérn Willy Nicolussi Paolaz, dar vortretar vodar Authority von zungmindarhaitn Matteo Nicolussi Castellan un dar vüarar von Schaltarle vor di Zung von Toalkamòu vodar Zimbar Hoachebene Andrea Nicolussi Golo.
Di kolège djornalistn soìn inngeladet.

Gekhluppet: dar progråmm

Übarsetzt von Schaltarle vor di zung von Toalkamou vodar Zimbar Hoachebene

(cdt)